

Na osnovu člana 17. i člana 36. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 25. Zakona o naftnim derivatima u Federaciji Bosne i Hercegovine („Službene novine Federacije BiH, broj 52/14) i člana 33. Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), Regulatorna komisija za energiju u Federaciji Bosne i Hercegovine na XIII redovnoj sjednici održanoj u Mostaru 23.07.2015. godine usvojila je

**STATUT
O IZMJENAMA I DOPUNAMA STATUTA
REGULATORNE KOMISIJE ZA ENERGIJU
U FEDERACIJI BOSNE I HERCEGOVINE**

Član 1.

U Statutu Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14) član 2. mijenja se i glasi:

**„Član 2.
(Pravni osnov i cilj osnivanja)**

Regulatorna komisija za energiju u Federaciji Bosne i Hercegovine vrši svoje nadležnosti u skladu sa Zakonom o električnoj energiji u Federaciji Bosne i Hercegovine, Zakonom o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), Zakonom o naftnim derivatima u Federaciji Bosne i Hercegovine i drugim zakonima iz oblasti energije, a sa ciljem osiguranja transparentnog i nediskriminirajućeg položaja učesnika na energetsom tržištu u Federaciji Bosne i Hercegovine.“

Član 2.

Član 10. mijenja se i glasi:

**„Član 10.
(Nadležnosti FERK-a)**

- (1) FERK ima nadležnosti propisane Zakonom o električnoj energiji u Federaciji Bosne i Hercegovine, Zakonom o korištenju obnovljivih izvora energije i efikasne kogeneracije i Zakonom o naftnim derivatima u Federaciji Bosne i Hercegovine.
- (2) Pored nadležnosti iz stava (1) ovog člana FERK će obavljati i poslove propisane mu drugim zakonima i propisima iz oblasti energije.
- (3) FERK će poslove iz svoje nadležnosti iz stava (1) i (2) ovog člana obavljati u skladu sa Elektroenergetskom strategijom i Elektroenergetskom politikom Federacije BiH, kao i privremenim smjernicama elektroenergetske politike iz člana 11. Zakona o

električnoj energiji u Federaciji Bosne i Hercegovine, te Energetskom strategijom Federacije Bosne i Hercegovine.“

Član 3.

U članu 11. stav (1) mijenja se i glasi:

„(1) U izvršavanju svojih ovlaštenja i obavljanju svojih funkcija, FERK ima obaveze propisane Zakonom o električnoj energiji u Federaciji Bosne i Hercegovine, Zakonom o korištenju obnovljivih izvora energije i efikasne kogeneracije i Zakonom o naftnim derivatima u Federaciji Bosne i Hercegovine.“

Član 4.

- (1) U članu 12. stav (1) tačka d) briše se.
- (2) Dosadašnje tačke e) i f) postaju tačke d) i e).

Član 5.

- (1) U članu 23. stavu (2) iza riječi „Zakonom o električnoj energiji u Federaciji Bosne i Hercegovine“ dodaje se zarez i riječi „Zakonom o korištenju obnovljivih izvora energije i efikasne kogeneracije, Zakonom o naftnim derivatima u Federaciji Bosne i Hercegovine“.
- (2) U stavu (5) iza riječi „FERK-a“ dodaju se riječi „iz stava (4) ovog člana“.

Član 6.

U članu 25. stav (1) mijenja se i glasi:

„(1) FERK se finansira iz prihoda od regulatornih naknada i jednokratnih naknada koje će naplaćivati od imaoca dozvola FERK-a i podnosioca zahtjeva FERK-u, kao i od prihoda od naknada za dozvole koje izdaje, uključujući i naknade troškova na osnovu arbitraže.“

Član 7.

Ovaj Statut o izmjenama i dopunama Statuta Regulatorne komisije za energiju u Federaciji Bosne i Hercegovine stupa na snagu sljedećeg dana od dana objavljivanja u „Službenim novinama Federacije BiH“.

Broj:01-07-667-04/15
Mostar, 23.07.2015. godine

PREDSJEDNICA FERK-a
Đulizara Hadžimustafić